



Broj: 01-2-2292/17
Sarajevo, 01.06.2017

MEDIJIMA

PREDMET: Saopćenje za javnost

Informacija o mikrokreditnom sistemu Federacije BiH 31.03.2017

Analizirajući izvještaje MKO sa 31.03.2017. godine može se zaključiti da poslovanje mikrokreditnih organizacija u Federaciji BiH bilježi blago poboljšanje u odnosu na kraj 2016. godine. Bilansna suma u prvom kvartalu tekuće godine iznosi 442,3 miliona KM i za 2,1 milion KM je veća u odnosu na stanje prošle godine. Kreditni portfolio je povećan za 2% uz neznatno pogoršanje pokazatelja kvalitete, također je ostvaren i realan rast zaposlenih (3%), kapitala (2%), dok su se obaveze po uzetim kreditima zadržale na približno istom nivou u posmatranom periodu.

Ukupni bruto krediti MKO, kao najznačajnija stavka aktive, sa krajem marta 2017. godine, iznosili su 384,1 milion KM i čine 87% ukupne aktive MKO, te su veći za 2% u odnosu na kraj prethodne godine, dok su neto krediti iznosili 380,5 miliona KM i veći su za 2% u odnosu na stanje na kraju 2016. godine. Mikrokreditiranje je najvećim dijelom usmjereno na kreditiranje poljoprivrede (33%), stambenih potreba (20%) i ostalog (20%), te se većim dijelom odnosi na dugoročne kredite fizičkim licima.

Mikrokreditne organizacije smanjile su efektivnu kamatnu stopu na ukupne mikrokredite, pa su tako, na kraju prvog kvartala 2017. godine, prosječne ponderisane efektivne kamatne stope na ukupne kredite u mikrokreditnom sistemu iznosile 24,90%, te su u odnosu na četvrti kvartal 2016. godine, ostvarile pad od 0,74 procentna poena.

U poređenju s krajem 2016. godine, mikrokreditni portfolio u prva tri mjeseca 2017. bilježi rast od 2% (6,2 miliona KM), ali iskazuje blago pogoršanje pokazatelja kvaliteta aktivnog kreditnog portfolija.

Na nivou mikrokreditnog sistema u Federaciji BiH, ostvaren je pozitivan finansijski rezultat u iznosu od 4.401 hiljada KM, što je za 1.128 hiljada KM ili 34% više u odnosu na isti period prethodne godine.

URED ZA INFORMISANJE FBA